



«ТАСДИҚЛАНГАН»
"O'zdommahsulot" акциядорлик
компанияси якка акциядорининг
2016 йил 24 июндаги
йиғилиши томонидан.

«O'ZDONMAHSULOT» акциядорлик компанияси

Тафтиш комиссияси тұғрисида Н И З О М

С. Константинов Таджикистан (см. также)

Компанияни бир ғидар таҳсилоти маддийи таҳсилоти саломатига ташкил ёлан мекунад. Кимини таҳсилоти саломатига ташкил ёлан мекунад? (Янги Тахрирда)

**«ТАСДИҚЛАНГАН»
"O'zdonmahsulot" акциядорлик
компанияси якка акциядорининг
2016 йил 24 июндаги
йигилиши томонидан**

**«O'ZDONMAHSULOT» акциядорлик компанияси
Тафтиш комиссияси тўғрисида
Н И З О М
(янги таҳрирда)**

I. УМУМИЙ ҲОЛАТЛАР

1. Ушбу Низом Ўзбекистон Республикасининг «Акциядорлик жамиятлари ва акциядорларнинг ҳукукларини ҳимоя қилиш тўғрисида»ги Қонуни (кейинги ўринларда - Конун), бошқа қонун ҳужжатлари ва "O'zdonmahsulot" акциядорлик компанияси (кейинги ўринларда - компания) Устави асосида ишлаб чиқилган.
2. Ушбу Низом компания Тафтиш комиссияси (кейинги ўринларда - Тафтиш комиссияси)нинг мақоми, ваколатлари ва фаолиятини ташкил этиш тартибини белгилайди.
3. Тафтиш комиссияси компаниянинг назорат органи ҳисобланади ва компаниянинг молия-хўжалик фаолияти устидан назоратни амалга оширади.
4. Компаниянинг ижроия органи ва Кузатув кенгаши Тафтиш комиссиясининг фаолиятига аралашибга ҳақли эмас.
5. Тафтиш комиссияси акциядорларнинг умумий йиғилишига ҳисобдордир.

II. ТАФТИШ КОМИССИЯСИННИГ ВАКОЛАТ ДОИРАСИ

6. Компаниянинг бошқарув органлари ва акциядорларни компаниянинг молия-хўжалик фаолияти натижалари тўғрисида тўлиқ ва ишончли ахборот билан таъминлаш, аниқланган камчилик ва нуқсонларни тугатиш бўйича тавсиялар киритиш ва амалга оширилган текширувлар бўйича компания фаолиятини такомиллаштиришга доир таклифлар ишлаб чиқиш Тафтиш комиссиясининг асосий вазифалари ҳисобланади.

7. Тафтиш комиссиясининг ваколат доираси Қонун, компания устави ва ушбу Низом билан белгиланади.

8. Компаниянинг Тафтиш комиссияси:

Компаниянинг бир йиллик фаолияти якунлари бўйича компаниянинг молия-хўжалик фаолиятини текширишни амалга оширади;

Тафтиш комиссиясининг ўз ташаббусига, акциядорларнинг умумий йиғилиши ва Кузатув кенгаши қарорига кўра, ёки компания овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра компания Кузатув кенгашини олдиндан ҳабардор қилиш йўли билан бошқа давр ичидаги фаолият якунлари бўйича компаниянинг молия-хўжалик фаолиятини текширишни амалга оширади;

-бир йиллик ёки бошқа давр ичидаги фаолият якунлари бўйича компаниянинг молия-хўжалик фаолиятини текшириш якунларига кўра ҳисобот ва хулоса тузади;

Компаниянинг молия-хўжалик фаолияти бўйича амалга оширилган текшириш натижаларини акциядорларнинг умумий йиғилиши, Кузатув кенгаши ва компания Бошқаруви эътиборига етказади;

Компания бошқаруви томонидан тақдим этилган ҳужжатлар асосида компанияда аффилланган шахслар билан тузилган битимлар ёки йирик битимларни, шунингдек қонун ҳужжатларининг ва компания ички ҳужжатларининг бундай битимларни тузишга доир талабларига риоя қилинишини ўрганиб чиқади, қонун ҳужжатларида кўзда тутилган ҳоллар бундан мустасно;

Компанияда аффилланган шахслар билан тузилган битимлар ёки йирик битимлар мавжудлиги тўғрисида ҳар чоракда хулоса тузади;

Компанияда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва компания ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда компания Кузатув кенгашининг мажлисига олиб чиқади;

ҳисобот йили давомида компанияда аффилланган шахслар билан тузилган битимлар

ёки йирик битимлар мавжудлиги, шунингдек қонун ҳужжатларининг ва компания ички ҳужжатларининг бундай битимларни тузишга доир талабларига риоя килиниши тўғрисидаги хulosани акциядорларнинг йиллик умумий йиғилишига олиб чиқади.

III. ТЕКШИРУВЛАРНИ ЎТКАЗИШ ТАРТИБИ

9. Компаниянинг молия-хўжалик фаолиятини бир йиллик ёки бошқа давр ичидаги фаолият якунлари бўйича текшириш тафтиш комиссиясининг ташаббусига, акциядорларнинг умумий йиғилиши ва кузатув кенгashi қарорига кўра, ёки компания овоз берувчи акцияларининг камидা беш фоизига эгалик қилувчи акциядорнинг (акциядорларнинг) талабига кўра компания Кузатув кенгашини олдиндан хабардор қилиш йўли билан амалга оширилади.

10. Компаниянинг молия-хўжалик фаолиятини текшириш тўғрисидаги талаб текшириш ўтказиши талаб қилиш ҳуқуқига эга шахслар томонидан тафтиш комиссияси раиси номига юборилади.

11. Компаниянинг молия-хўжалик фаолиятини текшириш бўйича ташабbus кўрсатувчилар исталган вақтда тафтиш комиссияси томонидан текшириш ўтказиши тўғрисида қарор қабул килингунга қадар Тафтиш комиссиясини ёзма равишда хабардор қилган ҳолда, ўз талабларини қайтариб олишга ҳақли.

12. Тафтиш комиссияси молия-хўжалик фаолиятини текшириш давомида текшириш предметига доир барча мавжуд ҳужжат ва материалларни ўрганиб чиқиши шарт.

13. Компаниянинг молия-хўжалик фаолиятини текшириш якунларига кўра компаниянинг тафтиш комиссияси ҳисбот ва хulosса тузади, унда:

- компаниянинг ҳисботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;
- бухгалтерия ҳисобини юритиш ва молиявий ҳисботни тақдим этиш тартиби бузилганлиги, шунингдек компаниянинг молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

14. Тафтиш комиссияси кузатув кенгashi томонидан компания акциядорларининг умумий йиғилишини чакириш тўғрисида қарор қабул қилинган кундан кечикмасдан компаниянинг кузатув кенгашига компаниянинг йиллик молия-хўжалик фаолиятини текшириш натижалари юзасидан хulosса тақдим этади.

15. Тафтиш комиссияси тафтиш комиссиясининг, акциядорларнинг умумий йиғилишининг ва кузатув кенгашининг ташаббусига кўра, ёки компания овоз берувчи акцияларининг камидা беш фоизига эгалик қилувчи акциядорнинг (акциядорларнинг) талабига кўра ўтказилган компаниянинг бошқа давр ичидаги молия-хўжалик фаолиятини текшириш якунлари бўйича хulosани компаниянинг кузатув кенгашига хulosса тасдиқлангандан кейин бир иш қунидан кечикмасдан тақдим этади.

IV. ТАФТИШ КОМИССИЯСИ АЪЗОЛАРИНИ САЙЛАШ

16. Компания тафтиш комиссиясининг сон таркиби компания Устави билан белгиланади ва 3 (уч) кишидан иборат бўлади.

17. Тафтиш комиссияси аъзолари компания акциядорларининг умумий йиғилиши томонидан 1 (бир) йил муддатга сайланади.

Тафтиш комиссиясининг аъзолари ўз мажбуриятларини тегишли тарзда бажармаслиги ҳолларида уларнинг ваколатларини муддатидан илгари тутатиш акциядорларнинг умумий йиғилиши қарорига кўра амалга оширилади.

18. Компания овоз берувчи акцияларининг ҳаммаси бўлиб камидা бир фоизига эгалик

қилувчи акциядорлар (акциядор) компаниянинг молия йили тугаганидан кейин ўттиз кундан кечиктирмай, компания тафтиш комиссиясига бу органнинг миқдор таркибидан ошмайдиган тарзда номзодлар кўрсатишга ҳақли.

Акциядорлар (акциядор) тафтиш комиссиясига ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечикмасдан ўзгартишлар киритишга ҳақли.

19. Ушбу Низомнинг 18-бандида кўрсатилган муддатда акциядорлар томонидан тафтиш комиссияси аъзолигига номзодлар кўрсатиш бўйича таклифлар киритилмаганлиги ҳолларида компания кузатув кенгаши тафтиш комиссиясига сайлаш учун мустақил равища номзодлар рўйхатини белгилашга ҳақли.

20. Айни бир шахс компаниянинг тафтиш комиссияси таркибиغا кетма-кет уч мартадан ортиқ сайланиши мумкин эмас.

21. Тафтиш комиссиясининг аъзолари бир вақтнинг ўзида компания кузатув кенгашининг аъзоси бўлиши, шунингдек айни шу компанияда меҳнат шартномаси (контракт) бўйича ишлаши мумкин эмас.

22. Тафтиш комиссиясининг аъзолари компания саноқ комиссиясининг аъзоси бўлиши мумкин эмас.

23. Тафтиш комиссияси таркибиغا қоидага биноан компания акциядорлари (акциядорлар - жисмоний шахслар ва акциядорлар - юридик шахсларнинг ваколатли мансабдор шахслари) сайланади.

24. Тафтиш комиссияси таркибиغا компания акциядори бўлмаган, бироқ молия ва иқтисодиёт соҳасида касбий иш тажрибасига эга шахслар сайланиши мумкин.

25. Тафтиш комиссияси аъзоларига доир малака талаблари:

"Бухгалтерлик ҳисоби ва ҳисботи", "Аудит", "Молия" ихтисослари ёки иқтисодий мутахассисликлар бўйича олий, ёки ўрта иқтисодий маълумот;

бухгалтерлик ҳисоби, аудит, молия ёки иқтисодий соҳада камидан 3 йиллик иш тажрибасига эга бўлиш.

26. Тафтиш комиссияси аъзоларининг кўпчилик овози билан ўз таркибидан тафтиш комиссияси раисини сайлайди.

27. Тафтиш комиссияси раиси:

Тафтиш комиссиясининг ишини ташкил қиласди;

Тафтиш комиссияси мажлисларини чақиради ва ўтказади;

Тафтиш комиссияси мажлислари баённомасини, компаниянинг молия-хўжалик фаолиятини текшириш якунларига кўра ҳисбот ва хулосаларни, компанияда аффилланган шахслар билан тузилган битимлар, ёки йирик битимлар мавжудлиги тўғрисидаги хулосаларни ва бошқа ҳужжатларни имзолайди;

Тафтиш комиссияси номидан Кузатув кенгаши йиғилишларида ва компания акциядорларининг умумий йиғилишларида иштирок этади;

амалдаги қонун ҳужжатларида, компания Уставида, ушбу Низомда ва компаниянинг бошқа ички ҳужжатларида кўзда тутилган бошқа вазифаларни бажаради.

28. Тафтиш комиссияси исталган вақтда тафтиш комиссияси аъзоларининг умумий сонига нисбатан кўпчилик овоз билан ўз Раисини қайта сайлашга ҳақли.

29. Компаниянинг Тафтиш комиссияси раиси бўлмаган тақдирда унинг вазифасини тафтиш комиссиясининг аъзоларидан бири амалга оширади.

V. ТАФТИШ КОМИССИЯСИННИГ МАЖЛИСЛАРИ ВА ҚАРОРЛАРИ

30. Компаниянинг Тафтиш комиссияси мажлиси бир йилда камида икки марта, компаниянинг молия-хўжалик фаолиятини текширишдан олдин ва текширишдан кейин, шунингдек бошқа зарур ҳолларда исталган вақтда ўтказилади.

31. Тафтиш комиссиясининг мажлислари амалдаги қонун ҳужжатларига, компания Уставига ва ушбу низомга мувофик тафтиш комиссияси раиси томонидан мустақил равишда, Тафтиш комиссияси аъзоларининг, ёки компаниянинг молия-хўжалик фаолиятини навбатдан ташқари текширишни талаб қилиш хукуқига эга шахсларнинг талабларига кўра чакирилади.

32. Тафтиш комиссиясининг мажлислари комиссия аъзоларининг бевосита иштирокида ўтказилади.

33. Компания тафтиш комиссиясининг мажлисини ўтказиш учун тафтиш комиссиясининг камида икки аъзоси ҳозир бўлиши зарур.

34. Тафтиш комиссиясининг таркибида бир киши қолган тақдирда, компания тафтиш комиссиясининг янги таркибини сайлаш учун акциядорларнинг навбатдан ташқари йиғилишини чакириши шарт.

35. Масалалар ҳал этилаётганда, тафтиш комиссиясининг ҳар бир аъзоси битта овозга эга бўлади. Тафтиш комиссиясининг қарорлари (шу жумладан, компаниянинг молия-хўжалик фаолиятини текшириш натижаларига кўра хulosани тасдиқлаш масаласи бўйича карор) Тафтиш комиссияси аъзоларининг кўпчилик овози билан қабул килинади.

36. Тафтиш комиссиясининг қарори тафтиш комиссиясининг мажлис баённомаси билан расмийлаштирилади, унда қўйидагилар кўрсатилади:

мажлис ўтказилган сана, вақт ва жой;

мажлисда иштирок этган тафтиш комиссияси аъзоларининг рўйхати;

овоз беришга қўйилган масалалар, улар юзасидан ўтказилган овоз бериш якунлари (мажлисда иштирок этган ҳар бир тафтиш комиссияси аъзосининг овоз бериш натижасини кўрсатган холда);

қабул қилинган қарорлар.

37. Баённомага Тафтиш комиссияси томонидан тайёрланган хulosалар, ҳисботлар ва бошқа материаллар илова килинади.

38. Тафтиш комиссиясининг аъзоси тафтиш комиссиясининг қароридан норози бўлган тақдирда ўзининг алоҳида фикрини мажлис баённомасига киритишни ва компанияни бошқариш органлари ва (ёки) акциядорлари эътиборига етказишни талаб қилишга ҳақли.

39. Тафтиш комиссиясининг мажлис баённомаси мажлисда иштирок этаётган компания тафтиш комиссиясининг аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

40. Мажлис баённомалари, тафтиш комиссиясининг ҳисботлари, хulosалари ва тафтиш комиссиясининг мажлис баённомасига илова килинадиган бошқа материаллари компания кузатув кенгашига тақдим этилади.

41. Мажлис баённомалари, тафтиш комиссиясининг ҳисботлари, хulosалари ва тафтиш комиссиясининг мажлис баённомасига илова килинадиган бошқа материаллар компанияда қонун ҳужжатларида белгиланган тартибда сақланади.

VI. ТАФТИШ КОМИССИЯСИ АЪЗОЛАРИНИНГ ХУҚУҚ ВА МАЖБУРИЯТЛАРИ

42. Компания Тафтиш комиссиясининг аъзолари куйидаги хукуқларга эга:

Компания Бошқаруви аъзоларидан компаниянинг молия-хўжалик фаолияти

тўғрисидаги ҳужжатларни тақдим этишни талаб қилиш;

Компания томонидан аффилланган шахслар билан компания акциядорларининг умумий йиғилиши ёки Кузатув кенгаши ушбу битим бўйича қарор қабул қилганидан кейин амалга оширилган битимни ўрганиш натижалари бўйича баённомаларни компания Бошқарувидан талаб қилиш;

Компания томонидан компания акциядорларининг умумий йиғилиши, ёки Кузатув кенгаши ушбу битим бўйича қарор қабул қилганидан кейин амалга оширилган йирик битим бўйича ҳужжатларни компания бошқарувидан талаб қилиш;

Кузатув кенгаши ва компания Бошқаруви аъзоларидан, компаниянинг бошқа мансабдор шахслари ва ходимларидан қонун ҳужжатларида белгиланган тартибда компаниянинг молия-хўжалик фаолияти масалалари бўйича оғзаки ва ёзма тушунтиришларни талаб қилиш;

Компания Кузатув кенгаши мажлисларини чақиришни талаб қилиш;

қонун ҳужжатларида белгиланган тартибда компания акциядорларининг навбатдан ташқари умумий йиғилишини чақиришни талаб қилиш.

Тафтиш комиссиясининг аъзолари қонун ҳужжатларига мувофик бошқа хукуқларга эга бўлиши мумкин.

43. Тафтиш комиссиясининг аъзолари мажбуриятлари қўйидагилардан иборат:

ўз мажбуриятларини ҳалол бажариш;

компания ва унинг акциядорлари манфаатларини кўзлаб иш тутиш;

компаниянинг молия-хўжалик фаолиятини текширишни тегишли тарзда амалга ошириш;

компаниянинг молия-хўжалик фаолиятини текшириш натижалари бўйича ҳисобот ва хуносаларни ўз вақтида тайёрлаш;

компания бошқаруви аъзоларидан компаниянинг молия-хўжалик фаолияти тўғрисидаги ҳужжатларни тақдим қилишни ёзма шаклда сўраш;

компания Бошқаруви аъзоларидан компаниянинг аффилланган шахслар билан битимлари ва компаниянинг йирик битимларини ўрганиш баённомаларини тақдим қилишни ёзма шаклда сўраш;

амалдаги қонунчиликка риоя қилиш;

компания фаолияти тўғрисидаги махфий ахборотни ошкор қиласли.

Тафтиш комиссиясининг аъзолари қонун ҳужжатларига мувофик бошқа мажбуриятларга ҳам эга бўлиши мумкин.

VII. ТАФТИШ КОМИССИЯСИ АЪЗОЛАРИНИНГ ЖАВОБГАРЛИГИ

44. Тафтиш комиссиясининг аъзолари компания ва унинг акциядорлари манфаатларини кўзлаб иш тутишлари зарур.

45. Тафтиш комиссиясининг аъзолари ўз мажбуриятларини тегишли тарзда бажармаганликлари учун белгиланган тартибда жавобгар бўладилар.

VIII. ТАФТИШ КОМИССИЯСИ АЪЗОЛАРИГА ТЎЛАНАДИГАН ҲАҚ ВА КОМПЕНСАЦИЯЛАР

46. Тафтиш комиссиясининг аъзоларига акциядорлар умумий йиғилишининг қарорига кўра улар ўз вазифаларини бажариб турган давр учун ҳақ тўланиши ва (ёки) ўз

вазифаларини бажариш билан боғлик харажатларининг ўрни қопланиши мумкин.

47. Тафтиш комиссияси аъзоларига тўланадиган ҳақ ва тўловларнинг миқдорлари компания кузатув кенгаси тавсиясига кўра акциядорларнинг умумий йиғилиши қарори билан белгиланади.

IX. ЯКУНИЙ ҚОИДАЛАР

48. Ушбу Низом акциядорларнинг умумий йиғилиши томонидан тасдиқлангандан кейин кучга киради.

49. Ушбу Низомга амалдаги қонун хужжатлари ўзгартирилганлиги ва компания Уставига ўзгартириш ва (ёки) қўшимчалар киритилганлиги муносабати билан ўзгартиришни (ёки) қўшимчалар киритилиши мумкин.

50. Ушбу Низомга киритилган ўзгартириш ва қўшимчалар акциядорларнинг умумий йиғилиши томонидан тасдиқлангандан кейин кучга киради.

*Акциядорлар билан корпоратив
муносабатлар бошқармаси*